

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I
HERCEGOVINE I EVROPSKE INVESTICIJSKE BANKE (EIB) ZA REALIZACIJU
PROJEKTA IZGRADNJE DIONICA AUTOCESTE MEDAKOVO - POPRIKUŠE NA
KORIDORU Vc**

Sarajevo, januar 2021. godine

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na ___ sjednici održanoj _____ godine i Dom naroda Parlamenta Federacije Bosne i Hercegovine na ___ sjednici održanoj _____ godine d o n o s i

ODLUKU

O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I HERCEGOVINE I EVROPSKE INVESTICIJSKE BANKE (EIB) ZA REALIZACIJU PROJEKTA IZGRADNJE DIONICA AUTOCESTE MEDAKOVO - POPRIKUŠE NA KORIDORU Vc

I.

Prihvata se zaduženje Federacije Bosne i Hercegovine (u daljem tekstu: Federacija BiH) po Ugovoru o finansiranju između Evropske investicijske banke (u daljem tekstu: Banka) i Bosne i Hercegovine (u daljem tekstu: BiH) za realizaciju Projekta izgradnje dionica autoceste Medakovo - Poprikuše na Koridor Vc (u daljem tekstu: Projekat) u iznosu do 340.000.000,00 EUR-a, za Javno preduzeće Autoceste Federacije Bosne i Hercegovine d.o.o. Mostar (u daljem tekstu: JP Autoceste FBiH).

II.

Sredstva kredita iz tačke I. ove Odluke koristit će se za finansiranje izgradnje dionice Medakovo – Poprikuše. Projekat se odnosi na izgradnju, najvećim dijelom na novoj trasi, oko 35 km duge dionice autoceste paneuropskog Koridora Vc koji povezuje Mađarsku i istočnu Hrvatsku s Bosnom i Hercegovinom i Jadranskim morem. Projekt je dio većeg programa izgradnje Koridora Vc (ukupne dužine 335 km) na teritoriji BiH čiji je cilj podizanje funkcionalnosti postojećeg cestovnog koridora sjever-jug na veću razinu, uz istovremenu izgradnju moderne infrastrukture i povećanu sigurnost i kapacitet ceste.

III.

Sredstva kredita iz tačke I. ove Odluke, odobravaju se Federaciji BiH pod sljedećim uslovima:

- iznos kredita.....340.000.000,00 EUR-a,
- rok otplate.....25 godina,
- grace period.....6 godina,
- kamatna stopa:.....fiksna ili varijabilna i dogovara se prije isplate tranše,
- dospijeća..... godišnja ili polugodišnja rata u jednakim otplata glavnice, u anuitetima.

IV.

Potvrđuje se da je razmatrana dokumentacija prihvatljiva za Federaciju BiH, a posebno:

- Nacrt Ugovora o finansiranju između EIB-a i BiH;

V.

Sredstva kredita iz tačke I. ove Odluke Federacija BiH će na kreditnom osnovu prenijeti na JP Autoceste FBiH, koje je krajnji korisnik i dužnik po ovom kreditnom zaduženju.

U periodu implementacije Projekta, u Budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija da sa JP Autoceste FBiH usaglasi i sklopi odgovarajući Podugovor kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije BiH, kao i odgovarajućeg Podugovora između Federacije BiH i JP Autoceste FBiH, za sredstva finansirana iz tačke I. ove Odluke.

Za potpisivanje Supsidijarnog sporazuma i Podugovora ovlašćuje se federalni ministar finansija.

VIII.

Za realizaciju ove Odluke i izvještavanje zadužuju se Federalno ministarstvo finansija i Federalno ministarstvo prometa i komunikacija i JP Autoceste FBiH, svako u okviru svoje nadležnosti.

IX.

Implementacija Ugovora iz tačke I. ove Odluke, ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

I - Pravni osnov

Pravni osnov za donošenje ove Odluke sadržan je u članu 40. stav (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav (5) predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

II - Razlozi za donošenje

Osnovni razlog za donošenja ove Odluke je zaduženje Federacije Bosne i Hercegovine po osnovu kredita kod Evropske investicijske banke za realizaciju Projekta izgradnje dionica autoceste Medakovo - Poprikuše na Koridor Vc.

Donošenjem ove Odluke stvara se osnov za potpisivanje Supsidijarnog ugovora između Bosne i Hercegovine i Federacije Bosne i Hercegovine, kojim će se propisati uslovi za davanje kredita Federaciji Bosne i Hercegovine, a koji će biti identični uslovima pod kojima Evropska investicijska banka odobrava kredit Bosni i Hercegovini. Federacija BiH će pod istim uslovima sredstva kredita proslijediti dalje JP Autoceste FBiH.

III - Obrazloženje pojedinih tačaka

Tačka I. je nužna kako bi se prihvatilo zaduženje Federacije BiH kod EIB-a.

Tačkom II. potvrđuje se namjena utroška sredstava kredita.

Tačkom III. precizirani su uslovi kredita.

Tačkom IV. potvrđuje se da je dokumentacija prihvatljiva za Federaciju BiH, što je uslov da Bosna i Hercegovina i EIB pristupe potpisivanju Ugovora o finansiranju.

Tačkom V. se definira način implementacije Projekta, te da nije potrebno osigurati dodatna sredstva u budžetu Federacije za ovu namjenu.

Tačkom VI. se definira obaveza Federalnog ministarstva finansija da sa JP Autoceste FBiH usaglasi i sklopi odgovarajući Podugovor.

Tačkom VII. daje se saglasnost za zaključivanje Supsidijarnog sporazuma sa Bosnom i Hercegovinom i Podugovora sa JP Autoceste FBiH i daje se ovlaštenje federalnom ministru finansija da u ime Federacije potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačka IX. potvrđuje da za implementaciju Ugovora o finansiranju nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.